

No. 443. 1394. 24. März.

Der Domvicar Heinrich Kûsche entscheidet als vom bischöfl. Official delegirter Richter in einer Klagsache des Pfarrers zu St. Nicolai dahin, dass das Kloster letzterem die drei Jahre lang vorenthaltenen Getreidezinsen zu gewähren, sowie die nothwendige Reparatur der genannten Kirche auszuführen habe. Vgl. oben No. 35 u. 63.

In nomine domini amen. Cum honorabilis vir dominus Henricus Wassirlouft tunc curiae episcopalis Misnensis officialis causam seu causas partium infrascriptarum per certas suae commissionis litteras nobis Henrico Kûsche vicario perpetuo ecclesiae Misnensis audiendas et decidendas commisisset huiusmodi sub tenore: Officialis curiae episcopalis Misnensis honorabili viro domino Henrico Kûschen vicario eiusdem Misnensis ecclesiae salutem in domino. Causam et causas, quam vel quas discretus vir dominus Nicolaus plebanus sancti Nicolai extra muros Misnenses movere intendit honorabilibus et religiosis dominabus .. abbatissae et conventui ac praeposito monasterii sanctae Crucis prope Misnen vobis committimus in toto audiendas decidendas et fine debito terminandas, testes etiam in dicta causa producendi per praefatum dominum plebanum si necesse fuerit ad compellendum censura ecclesiastica testimonium veritati perhibere. Datum anno domini M^o.CCC^o. nonagesimo quarto in crastino purificationis Mariae virginis, officialatus sub sigillo.

Honorabilis vir dominus Henricus de Tubinheym praepositus dicti monasterii per nos ad instantiam praefati domini Nicolai plebani in iudicium peremptorie citatus et vocatus suo et procuratorio nomine praedictarum dominarum abbatissae et conventus de cuius mandato plene constabat in iudicio coram nobis personaliter comparens libellum a praefato domino Nicolao plebano sancti Nicolai postulavit, quem idem dominus Nicolaus in iudicium obtulit in haec verba: Coram vobis honorabili viro domino Henrico dicto Kûsche vicario in ecclesia Misnensi, commissario partibus subscriptis ab honorabili domino Henrico curiae episcopalis Misnensis officiali deputato ego Nicolaus dictus Falkinhain plebanus sancti Nicolai extra muros Misnenses contra et adversus dominum Henricum praepositum, Elizabeth abbatissam, .. priorissam totumque conventum sanctimonialium monasterii sanctae Crucis ordinis sancti Benedicti prope Misnam aut aliam personam quaecunque pro eis legitime et iudicialiter intervenientem conquerendo assero dico et propono, quod licet dominus Hermannus de Muczow protunc praepositus, Sophia de Nassow abbatissa, Dorothea priorissa, Cecilia subpriorissa, Cristina de Kempnicz custos totusque conventus monasterii praescripti de anno domini M^o.CCC^o. septuagesimo quarto in die beati Georgii considerantes commodum et utilitatem monasterii sui praescripti quosdam agros pertinentes ad ecclesiam sancti Nicolai coniacentes rengis et agris allodii monasterii praedicti Sebineychin et continuos de consensu meo et ad tempora vitae meae dumtaxat laborandos fimandos ac seminandos pro certa quota frumenti videlicet duobus maldaribus siliginis et sedecim modiis avenae boni et electi frumenti mensurae Misnensis singulis annis a quolibet beati Michaelis et infra beati Martini inclusive festis memoratis mihi ad dotem sancti Nicolai in omnem eventum, occasione et contradictione